



Astigarragako Udala

Idazkaritza • Secretaria
idazkaritza@astigarraga.eus

Espediente zk.: 2017IKTH0001
Azalpena: 5 etxebizitzetarako sukalde-altzarien eta etxetresna-elektrokoen horniketa eta instalazioa

IZAPIDETZE ARRUNTAREN BIDEZ ETA PROZEDURA **IREKIAREN BIDEZ, UDAL TITULARTASUNeko 5** **ETXEBIZITZEN ETXETRESNA ELEKTRIKOAK ETA** **SUKALDEKO ALTZARIAK HORNITZEKO ETA MUNTATZEKO** **KONTRATAZIORAKO ADMINISTRAZIO KLAUSULA** **PARTIKULARREN AGIRIA**

1. KLAUSULA.- KONTRATUAREN XEDEA

Kontratuaren helburua honako hau da: Kontxa Etxeberria 7, 8 eta 9 zenbakian dauden udal-titulartasuneko 5 etxebizitzetarako (hain zuzen, baldintza teknikoan zehazten direnetarako) etxetresna elektrikoak eta sukaldeko altzariak hornitzea eta muntatzea, betiere baldintza teknikoan agirian xedatzen diren gutxieneko baldintza eta betebeharren arabera.

2. KLAUSULA.- KONTRATUAREN IRAULPENA.

Sukaldeen guztiz muntatuak eta funtzionamenduan egon behar dute 45 eguneko epean, kontratua esleitzen denetik kontatzen hasita.

3. KLAUSULA.- LIZITAZIO PREZIOA

Baldintza teknikoan agiri honetan deskribatzen diren altzariak, etxetresna elektrikoak eta gainerako elementuak hornitzearen eta muntatzearen lizitazio-prezioa **20.000 € da (BEZik gabe)**; lizitatuak kopuru hori beherantz hobetu ahal izango dute.

Etxebizitzen horniketarako xede dituen ondasunen entrega- eta garraio-gastuak kontratistaren kargura izango dira.

4. KLAUSULA.- FINANTZIAZIOA

Kontratuaren prezioa ordaintzeko, aurrekontu-izendapen egokia eta nahikoa aurreikusita dago, udal-aurrekontuko 1 0400.625.01.152.00.2016 kontu-sailean.



Astigarragako Udala

Idazkaritza • Secretaria
idazkaritza@astigarraga.eus

5. KLAUSULA.- ORDAINKETA ERA

Kontratuaren zenbateko guztia ordainketa bakar batean egindo da, altzari eta eletresna elektrikoak muntatu eta udal zerbitzu teknikoek ongi ikusia eman eta dagokion faktura bulego orokorrean telematikoko aurkeztu ondoren. Faktura aurkeztu eta 30 eguneko epean ordainduko da.

6. KLAUSULA.- PREZIO BERRIKUSKAPENA.

Sektore Publikoko Kontratuei buruzko Legearen Testu Bategina onartzen duen 3/2011 Legegintzako Errege Dekretuaren 96. artikuluan xedatutakoaren arabera, kontratu honetan ez da preziorik berrikusiko.

7. KLAUSULA.- BERMEAK

Bermeak, SPKLTBren 95 eta 103 bitarteko artikuluetan jasotako baldintza eta xedapenen arabera jarriko dira

Behin-behineko bermea: Lizitazio honetan parte hartzeko, ez da behin-behineko bermea jartzerik eskatzen.

Behin betiko bermea: Hartutako betebeharrak beteko dituela bermatzeko, kontratuaren esleipendunak esleipen-kopuruaren % 5eko behin betiko bermea jarri behar du, Balio Erantsiaren Gaineko Zergarik gabe.

Berme hori jartzeko epea 10 egun baliodunekoa izango da, kontratuaren esleipenaren jakinarazpenaren hurrengo egunetik kontaktzen hasita, Udal Diruzaintzan jarri beharko da; eskudirutan jarriko da edo SPKLTBren 96. artikuluan xedatzen den edozein baliabide erabiliz.

Bermeak itzultzeko, SPKLTBren 102. artikuluan ezarritakoa hartuko da kontuan, eta kontratuaren likidazioa onartu ondoren eta bermearen epea igaro ondoren antolatuko da, beti ere erantzukizunik ez badago.



Astigarragako Udala

Idazkaritza • Secretaria
idazkaritza@astigarraga.eus

8. KLAUSULA.- ENPRESABURUAREN AHALMENA ETA KAUDIMENA.

Kontratazio-prozedura honetan Espainiako edo atzerriko pertsona fisikoek edo juridikoek hartu ahal izango dute parte (bakarka edo enpresaburuaren aldi baterako elkarteetan), baldin eta jarduteko erabateko ahalmena badute, kontratatzeke debekurik ezarri ez bazaie eta Administrazioarekin kontratatzeke eskatzen den kaudimen ekonomikoa, finantzarioa eta teknikoa dutela egiaztatzen badute.

Pertsona juridikoen kasuan, kontratu honekin lotura zuzena duten jarduerak egitea izango da haien xedea, eta hura ongi egikaritzeko nahikoa elementu pertsonal eta material dauzkan antolakuntza izatea.

Helburu horrekin aldi baterako eratutako enpresaburuaren elkarteek ez dute eskritura publikoan formalizatu beharko beren elkarte, kontratua haien alde esleitzen den arte.

Europako Erkidegokoak ez diren enpresek parte hartzeko, Sektore SPKLTBren 55. artikuluan ezarritakoa hartuko da kontuan.

Sektore Publikoko Kontratuei buruzko Legearen Testu Bateginaren 65.1 c artikulua araberak, kontratu honetarako ez da enpresaburuaren sailkapena eskatuko, baina 10. klausulan eskatzen den kaudimen ekonomikoa, finantzarioa eta teknikoa egiaztatu beharko da.

9. KLAUSULA.- PROPOSAMENAK, AURKEZTEKO EPEAK ETA AURKEZTU BEHARREKO DOKUMENTAZIOA

Kontratazio honen espedientea eta espediente horri lotutako dokumentazio teknikoa Udal honen webgunean (www.astigarraga.eus) edo Udal honen Idazkaritzan (09:00etatik 13:30era) aztertu ahal izango da lizitazio-iragarkia Gipuzkoako Lurralde Historikoaren Aldizkari Ofizialean argitaratzen den egunaren biharamunetik aurrera.

Proposamenak **kontratazioa@astigarraga.eus** helbide elektronikora igorriko dira **15 egun laneguneko epean**, aipatutako iragarkia Gipuzkoako ALDIZKARI OFIZIALEAN agertzen den egunaren biharamunetik aurrera zenbatzen hasita.

Eskaintzak isil-gordekoak izango dira; horregatik, behar adina neurri hartuko da lizitazioa jendaurrean egin arte isil-gordea ziurtatzeko. Enpresak eskaintza aurkezten duenean, inolako baldintzarik eta salbuespenik gabe oso-osorik



Astigarragako Udala

Idazkaritza • Secretaria
idazkaritza@astigarraga.eus

onartzen ditu Baldintza Administratibo Berezien Agiria eta Ezaugarri Teknikoen Agiria.

Lizitazaile bakoitzak eskaintza bakarra aurkez dezake. Lizitazaile bat bakarka aurkeztu bada, ezingo da beste batzuekin aldi baterako enpresa batasunean elkartuta aurkeztu, ezta lizitazioan parte hartzen duten enpresa batasun batean baino gehiagotan sartuta egon ere. Norbaitek arau horiek urratzen baditu, hark izenpetutako eskaintza guztiak lizitaziotik kanpo utziko dira.

AURKEZTU BEHARREKO DOKUMENTAZIOA

Lizitazaileek honako dokumentazio honen arabera aurkeztu beharko dituzte beren eskaintzak:

A GUTUN-AZALA	KONTRATATZEKO AHALMENA/GAITASUNA ETA KAUDIMENA
B GUTUN-AZALA	DOKUMENTAZIO TEKNIKOA
C GUTUN-AZALA	ESKAINNTZA EKONOMIKOA

Posta elektronikoko bidez igorri beharreko dokumentazioan pdf diskriminatuen bitartez txertatuko da dokumentazioa, aurkeztu behar den dokumentu bakoitza pdf bakar batean bilduko da; horretarako kontuan hartu, pdf bakoitzaren edukiera 9 megakoa dela. Pdf dokumentuak edukiera handiagoa badu, beste pdf batean igorriko da.

Posta elektronikoko mezuari dagokionez, ezinbestekoa da GAIA eremuan honako hau zehaztuta azaltzea: LEHIAKETA, ENPRESAREN IDENTIFIKAZIOA, PDF-N IGORRI BEHARREKO DOKUMENTUARI DAGOKION GUTUN-AZALA ETA DAGOKION pdf DOKUMENTUA; hori guztia igorritako dokumentazioa Udalak behar bezala identifikatu ahal izateko.

(Adibidez: SUKALDEAK-COCINAS – XXX enpresa – A gutun-azala – IFK)



Astigarragako Udala

Idazkaritza • Secretaria
idazkaritza@astigarraga.eus

A GUTUN-AZALEAN SARTU BEHARREKO DOKUMENTAZIOA.

“KONTRATATZEKO AHALMENA/GAITASUNA ETA KAUDIMENA” izeneko “A” gutunazalean honako dokumentu hauek sartuko dira:

1).- Pertsona fisikoak edo juridikoak:

1.1.- NAN, IFK

1.2.- Kontratazio honetarako harremanetan jartzeko helbide elektronikoa eta gaitutako pertsonaren izen-abizenak.

1.3.- Enpresa pertsona juridikoa bada: Enpresaren eratze-eskriturak eta enpresaren xedea egiaztatzen duten estatutuak

1.4.- Espainiaz kanpoko enpresak badira, Europar Batasuneko kide edo Europar Espazio Ekonomikoari buruzko Akordioaren sinatzaile den estaturen batekoak, Administrazioen Kontratuen Erregelamenduko 9. artikuluari jarraituz egiaztatu behar dute.

1.5.- Espainiaz kanpoko gainerako enpresek Administrazioen Kontratuen Erregelamenduko 10. artikuluari jarraituz egiaztatu behar dute; horrelako enpresek Espainian sukurtsala eduki behar dute, eragiketarako ahaldun edo ordezkariak izendatuta, eta Merkataritza Erregistroan izena emana eduki behar dute.

1.6.-Beste norbaiten izenean agertu edo eskaintzak sinatzen dituztenek (berdin dio pertsona fisiko edo juridikoa izatea) nortasun-agiriaren edo horren ordezkariaren baten kopia aurkeztu behar dute, eta behar adinako ahalordea dutela egiaztatu.

2).- Kontratatzeko ahalmena (I. erankina)

2.1.- Sektore Publikoko Kontratuen Legearen Testu Bateginaren 60. artikuluan kontratatzeke ezarrita dauden debekurik ez duela adierazten duen aitordua.

2.2.- Borondatezko konkurtsoa eskatu ez dutela, edozein prozeduratan ez direla kaudimengabetzat hartu eta konkurtso-egoeran ez daudela adierazten duen aitordua.

Deklarazio horiek I. eranskinean agertzen den eredura zehatz-mehatz egokitu behar dira.



Astigarragako Udala

Idazkaritza • Secretaria
idazkaritza@astigarraga.eus

3).- Enpresaburuaren kaudimena ekonomiko eta finantzarioa egiaztatzea

Enpresaburuaren kaudimena ekonomiko eta finantzarioa finantza-erakundearen aitortzen edo, hala behar bada, arrisku profesionalengatik erantzukizun zibileko aseguruia egin dela (gutxienez 200.000 eurokoa) adierazten duen egiaztagiraren bitartez egiaztatu ahal izango dira.

Finantza-erakundearen aitortzen aztertuta ondorioztatu behar da enpresaren kontratuaren aurrekontuaren zenbatekoa edo zenbateko handiagoa duten negozioak egiteko ahalmen ekonomikoa duela.

4).- Kaudimen tekniko edo profesionala egiaztatzea.

Kaudimen tekniko edo profesionala egiaztatzeko, azken bost urteetan egindako horniketa nagusien zerrenda aurkeztu beharko da, zenbatekoak, datak eta horniketen hartzaileak (publikoak edo pribatuak) azalduz. Egindako hornikuntzak organo eskudunak egindako edo bisatutako ziurtagiriaren bitartez egiaztatuko dira, hartzekoduna sektore publikoko entitate bat denean, edo erosle pribatu bat denean, berak jaulkitako ziurtagiri baten bitartez, eta ziurtagiri hori ez badu, enpresaburuaren aitortzen baten bitartez.

Eskatu beharreko gutxienekoa: aurkeztutako dokumentazioa aztertuta ondorioztatu behar da azken bost urteetan enpresaren kontratu honen gaiaren eta aurrekontuaren antzeko BOST HORNIKETA egin dituela. Zenbaketarako, horniketak batu ahal izango dira eskatzen den gutxieneko aurrekontua lortzeko.

5.- Aldi baterako sortutako enpresak.

Enpresa guztien legezko ordezkariak sinatutako dokumentu bat aurkeztu beharko da, bertan adieraziz sinatu duten enpresen izenak eta zirkunstantziak, esleipendunak izanez gero aldi baterako elkartean modu formalean eratzeko konpromisoa hartzen dutela, enpresa bakoitzak aldi baterako elkarte horretan izango duen partaidetza, eta kontratuaren indarraldian enpresa guztiak administrazioan erabat ordezkatzeko izendatu duten pertsona.

6.- Atzerriko enpresek adierazpen bat aurkeztuko dute, kontratutik zuzenean edo zeharka etor litezkeen gorabehera guztietan Espainiako edozein motatako epaitegi eta auzitegiaren mende jarritzaren burua eta, hala dagokionean, lizitatuazaleari atzerrian egokitu dakiokkeen jurisdikzio foruari uko eginez.



Astigarragako Udala

Idazkaritza • Secretaria
idazkaritza@astigarraga.eus

Europar Batasunetik kanpoko enpresek egiaztatu behar dute Espainian sukurtsala zabalik dutela, eragiketetarako ahalduen edo ordezkariak izendatuta, eta Merkataritza Erregistroan izena emanda.

Enpresa horiek aurkeztuko duten dokumentazioak ofizialki gaztelerara edo euskarara itzulita egon beharko du, Administrazioen Kontratuen Erregelamenduko 23. artikuluan xedatutakoaren arabera.

7).- Gizarte Segurantzarekiko eta Ogasun Publikoarekiko ordainketetan egunean dagoela egiaztatzea

Gizarte-segurantzari eta foru-ogasunari ordaindu beharrekoak ordaindu izanaren egiaztagiria aurkeztuko dira. Egiaztagiri horiek enpresak berak edo administrazio eskudunek jaulki ditzakete; kasu horietako lehenengoan baldintza hori egiaztatzen duen ziurtagiria esleipena egin baino lehen esleipen hori jasoko duen enpresaburuak aurkeztu beharko duela bazter utzi gabe.

8).- Behin-behineko bermea:

Ez da eskatzen

9) Lizitzaileen agiri eta datu konfidentzialak.

Sektore Publikoko Kontratuen Legearen Testu Bateginak 140. artikuluan xedatzen duen modura, lizitzaileek adierazi behar dute zein agiri administratibo eta tekniko eta zer datu hartu behar diren konfidentzialtzat, hartu beharrekorik badago, eta adierazpen osagarri batean azalduko dute hori.

Konfidentzialtzat jotako agirian bertan ere argi eta garbi adierazi beharko da izaera hori (gainean, orri-ertzean, edo beste edonola). Lizitzaileek aurkeztutako agiri eta datuak konfidentzialtzat hartu ahal izango dira, horien berri hirugarren bati emateak enpresaren merkataritza interes legitimoen kontra egin dezakeenean, alor bereko enpresen arteko lehia leiala kaltetu dezakeenean edo Izaera Pertsonaleko Datuen Babesari buruzko 1999ko abenduaren 13ko 15/1999 Lege Organikoak ezarritako debekuak urratzen dituenean. Adierazpen hori egiten ez bada, ulertuko da aurkeztutako agiri edo datu guztiak edo batzuk, ezaugarrien arabera, ez direla konfidentzialak.



Astigarragako Udala

Idazkaritza • Secretaria
idazkaritza@astigarraga.eus

B GUTUN-AZALEAN SARTU BEHARREKO DOKUMENTAZIOA

“DOKUMENTAZIO TEKNIKOA” izeneko “B” gutun-azalean honako dokumentu hauek sartuko dira:

- Instalazioak egiteko erabili behar diren materialen eta etxetresna elektrikoen deskribapena, zehaztaperen teknikoak barne.
- Enpresak duen lantalde teknikoaren eta baliabideen deskribapena.
- Entregatzeko epea
- Prestazio gehigarriak.



Astigarragako Udala

Idazkaritza • Secretaria
idazkaritza@astigarraga.eus

C GUTUN-AZALEAN SARTU BEHARREKO DOKUMENTAZIOA:

PROPOSAMEN EKONOMIKOA

Proposamena II eranskinean jasotzen den eredia jarraiki idaztea ezinbestekoa da.

Hitez eta zenbakiz idatzitako zenbatekoen artean alderik izanez gero, baldin eta eskaintzen den prezioa benetan zein den ezin bada argi ikusi, eskaintza baztertu egingo da.

Eskaintza enpresa talde batek egina denean, taldeko enpresa guztiek izenpetu behar dute, zuzenean edo beren ordezkariaren bitartez.



Astigarragako Udala

Idazkaritza • Secretaria
idazkaritza@astigarraga.eus

10. KLAUSULA.- ESLEITZEKO PROZEDURA ETA MODUA

Kontratua PROZEDURA IREKIAREN bidez esleituko da irizpide-aniztasunaren bitartez, eta esleitzeko modua lehiaketa izango da, Sektore Publikoko Kontratuei buruzko Legearen Testu Bateginaren 138.2, 150.1 eta 3, eta 157tik 161era bitarteko artikulua aplikatuz, legezko testu horretan ezarritako termino eta baldintzen arabera.

Lehiaketaren esleipena egiterakoan, honako irizpide hauek hartuko dira oinarritzat (garrantzi eta haztapenaren arabera ordenatuta adierazten dira):

	ESLEITZEKO IRIZPIDEAK	Puntuak	Egiaztatzeko erabili den gutun-azala
1º	Proposamen ekonomikoa	0-38	C
2º	Eskaintzan sartzen diren materialen eta etxetresna elektrikoaren kalitatea (sukaldegainekoak eta abar)	0-8	B
3	Entregatzeko epea, enpresaren kaudimena eta ezaugarriak eta beste prestazio gehigarri batzuk.	0-4	B

* a) Proposamen ekonomikoa, 38 puntu

Onartutako proposamenen eskaintza ekonomikoak puntuatuko dira interpolazio lineala erabiliz, P1 (Baja maximoa, Puntuazio maximoa) eta P2 (Baja zero, Puntuazio minimoa) puntuen artean egindako lerroaren barruan. Honako hauek dira puntuak:

P1 – Eskaintzarik ekonomikoena (Baja maximoa), puntuazio maximoa jasoko duena (Pmax puntu).

P2 – Lizitazio motari dagokio eta puntuazio minimoa emango zaio, formula honen arabera:

$$P_{min} = P_{max} \times (1 - B_{max})$$

(Bmax = Baja maximoa)

Baja (B) da lizitazio mota ken eskaintza ekonomikoa, zati lizitazio mota. Lehen aipatutako lerroa egiteko, onartutako oinarri-eskaintzak bakarrik hartuko dira kontuan.

Eskaintza alternatiboak baleude —hau da, aurrekontua aldatzen dutenak eta baztertzekotzat hartzen ez direnak—, aurrekontu alternatiboaren arabera



Astigarragako Udala

Idazkaritza • Secretaria
idazkaritza@astigarraga.eus

kalkulatuko da bajaren ehunekoa, eta zenbaki horrekin sartuko da oinarri-
eskaintzentzako puntu-banaketan, baldin eta aurrekontu alternatiboak
lizitazioaren aurrekontua baino txikiagoa bada. Aurrekontu alternatiboak
lizitazioaren aurrekontua gainditzen badu, lizitazio motaren arabera egindako
eskaintza ekonomikoari dagokion bajarekin sartuko da puntu-banaketan.
Oinarri-
eskaintzen baja maximoa gainditzen duten aurrekontu alternatiboek
puntuazio maximoa jasoko dute.

Hasiera batean, **neurritz kanpokotzat edo ezohikotzat** hartuko dira onartutako
eskaintzen prezio guztien neurri aritmetikoa baino txikiagoak diren eskaintzak,
% 10 baino txikiagoak direnak, eta eskaintzak halakotzat hartzeko, ustez
eskaintzaren barruan dauden lizitatuak guztiei eskatu beharko zaie
informazioa aurretik, baita dagokion zerbitzuaren aholkularitza tekniko ere.

Balioetsitako eskaintzen artean berdinketa badago, kontratuak esleitzeko
garaian lehentasuna emango zaie beren kaudimen tekniko egiaztatzen
dutenean beren plantillan desgaitasuna duten langileen kopurua % 2tik gorakoa
duten enpresei, betiere proposamen horiek proposamen merkeenekin berdinak
badira terminoetara dagokienez, esleipena gauzatzeko oinarri gisa erabiliko
diren irizpideen ikuspegitik.

11. KLAUSULA.- KONTRATAZIO MAHAIA, DOKUMENTUEN KALIFIKAZIOA ETA PROPOSAMENAK IREKITZEA

Kontratazio Mahaia osatuko duten kideak honako hauek izango dira:

- Lehendakaria: Jon Arregi eta ordezkoa, Zorione Etxezarraga Ortuondo

- Bokalak:

Andoni Gartzia eta ordezkoa, Ione Olatziregi
Mikel Duran.
Udal idazkaria
Udal kontu-hartzailea

- Idazkaria: idazkaritzako administraria.

Ahokulari gisa, udal arkitekto teknikoak hartuko du parte,

A eta B gutun-azaleko dokumentazioaren kalifikazioa



Astigarragako Udala

Idazkaritza • Secretaria
idazkaritza@astigarraga.eus

Proposamenak aurkezteko epea amaitutakoan, kontratazio-prozedura honetan zehaztutako posta elektronikoa telematikoki jasotako dokumentazioa kalifikatuko da, eta jasotako dokumentazio guztia, A eta B gutun-azalei dagokiena, erkatuko da.

Erkatzea gauzatutakoan, A eta B gutun-azalak idazkariari eta arkitekto teknikoari igorriko zaizkie, hurrenez hurren, dagozkion txostenak emateko, eta erkatzean akats materialak daudela edo informazio osagarria behar dela ikusten bada, hiru egun balioduneko epea emango da horiek konpontzeko.

Horretarako emandako epean enpresak A gutunazaleko gabeziak osatzeko eskatutako agiriak aurkeztu ezean, prozesutik baztertuko zaio.

Lizitatzaileraren batek ez badu aurkezten B gutunazalean eskatutako dokumentazioa guztia, edo aurkezten duen dokumentazioak ez baditu betetzen eskatutako guztiak, orduan, dagozkion irizpidearen arabera baloraziorik ez zaio egingo lizitatzaileraren horren eskaintzari.

Txostenak amaitutakoan, Kontratazio Mahaia deituko da txostenak eta egindako kalifikazioa baliozkotzeko.

C gutun-azalean sartutako eskaintzak irekitzeko ekitaldi publikoa.

A eta B gutun-azaleko dokumentuak kalifikatzen bukatutakoan, eta kalifikazio horiek balioetsi ostean, Mahaiak kontratistei deialdia egingo die Eskaintza ekonomikoa izeneko C gutun-azala irekitzeko ekitaldi publikora bertaratzeko.

Aurretik, eskaintza ekonomikoak ireki baino 5 minutu lehenago, eskaintza egiten dutenek eskaintzen duten eskaintza ekonomikoa azaltzen den posta elektronikoko mezua irekitzeko kodearen berri eman behar diote Mahaiari.

Ondoren, Kontratazio Mahaia kontratua esleitu behar duen kontratazio-organoari aurkeztuko dio proposamena, kasu honetan Udalaren Osoko Bilkurari.

Kontratazio-mahaiak egiten duen esleitzeko proposamenak ez du inolako eskubiderik sortzen proposatutako enpresaburuaren alde, eta ez ditu eskubide horiek eskuratutako administrazioari dagokionez, kontratazio-organoaren erabakiz kontratua esleitzen ez zaion bitartean.

Esleipena egin baino lehen kontratazio-organoak kontratua sinatzeari uko egiten badio edota prozeduran atzera egitea erabakitzen badu, lizitatzailerari ebazpen arrazoitua bidaltzeko jakinarazpenean lizitazio-gastuengatik ordainduko den konpentsazioa adieraziko du.



Astigarragako Udala

Idazkaritza • Secretaria
idazkaritza@astigarraga.eus

12. KLAUSULA.- ESLEIPENA ETA FORMALIZAZIOA

Kontratazio-mahaiak kontratua oro har eskaintzarik onuragarriena aurkezten duen lizitatzaileri esleitzea proposatuko du, edo lizitazioa huts deklaratu du esleipen-irizpide objektiboen arabera proposamen onargarri bakar bat ere ez dagoenean.

Sektore Publikoko Kontratuen Legearen Testu Bateginaren 161. artikuluan ezarritakoaren arabera, esleipena gehienez 2 hilabeteko epean egingo da, proposamenak irekitzen diren egunaren biharamunetik aurrera kontatzen hasita.

Esleipena posta elektronikoko mezu bidez jakinaraziko zaio eskaintza hobereana aurkeztu duen lizitatzaileri, eta hark honako jardun hauek egin beharko ditu 10 lanegun balioduneko epean, jakinarazpenaren biharamunetik zenbatzen hasita:

- Behin betiko bermea jartzea.
- Zerga-betebeharrak (probintziakoak eta estatukoak) eta Gizarte Segurantzari dagozkionak egunean dituela egiaztatzea, dagokien erakundeek emandako ziurtagirien bitartez.
- Esleipeduna enpresa talde bat izango balitz, legalki aldi baterako enpresa bezala eratu dela egiaztatzea, eta IFK aurkeztea.

Halaber, Astigarragako Udalak kontratua esleitu aurretik egiaztatuko du ofizioz kontratuaren esleipendunak izango diren enpresa guztiek Udal honekiko zerga-alorreko betebeharrak betetzen dituztela.

Kontratua eskaintza ekonomiko onuragarriena aurkeztu duen lizitatzaileri ezin bazaio esleitu Sektore Publikoko Kontratuen Legearen testu bateginak 151.2 artikuluan xedatzen duenari jarraituz, eskatutakoa behar bezala bete ez duelako, lizitatzailiak bere eskaintza erretiratu duela ulertuko da, eta hala bada, eskaintzen sailkapen hurrenkeraren arabera hurrengo geratu den lizitatzaileri dokumentazio bera aurkezteko eskatuko zaio.

Kontratua 10 eguneko epean formalizatuko da, behin betiko esleipena egiten denetik zenbatzen hasita. Esleipena posta elektronikoko mezu bidez soilik gauzatuko da, behin betiko esleipenaren aurkako errekurtsioa jartzeko epea amaitu ondorengo 10 egunetan.



Astigarragako Udala

Idazkaritza • Secretaria
idazkaritza@astigarraga.eus

13. KLAUSULA.- KONTRATUA GAUZATZEA ETA AZPIKONTRATAZIOA

Kontratatutako kontratuan ezarritako epean eta lekuan entregatu beharko ditu hornitu beharreko ondasunak, baldintza teknikoan eta administrazio-klausulen arabera.

Kontratuaren betearazpena kontratatutaren ardurapean eta kontura egingo da, eta ez du kalte-ordainetarako eskubiderik izango eragindako galerak, matxurak edo kalteak direla-eta, Udala jasotzerakoan berandutzen den kasuan izan ezik.

Kontratuaren betearazpena kontratua sinatzen denean hasiko da; halaber, betearazpena agiri honen klausulen eta baldintza tekniko partikularretako klausulen arabera egingo da, betiere obraren arduradun gisa Udalak izendatutako pertsonak interpretaziorako emandako jarraibideei jarraiki.

Administrazioak kontratuaren ondorioz entregatuko den produktua fabrikatzeko edo lantzeko prozesua ikuskatzeko eta horri buruzko informazioa jasotzeko ahalmena izango du; bestalde, agindu dezake erabili beharreko materialen azterketak, saiakuntzak eta probak egitea edo berak egin ditzake, kalitatea kontrolatzeko sistemak ezar ditzake eta itundutakoa zorrotz betearazteko egokitzat jotzen dituen xedapenak eman ditzake.

Agiri honetan kontratatzen den horniketaren tipologia dela medio, ez da biltzen kontratua besteri lagatzeko aukera. Nolanahi ere, kontratatutak hirugarrenekin itundu dezake prestazioaren zati bat betetzea, betiere Sektore Publikoko Kontratuei buruzko Legearen Testu Bateginaren 227. eta 228 artikuluetan eskatutako betebeharrak betetzen badira.

Esleipendunak hirugarrenekin azpikontratatu dituen prestazio partzialek ez dute kontratuaren aurrekontuaren % 30 gainditu behar.

Kontratuaren prestazio partzialen azpikontratazioa baimentzen bada, esleipendunak alde aurretik eta Udal honen Erregistro Orokorrean aurkeztutako idazki bidez jakinarazi beharko du azpikontratua egiteko asmoa eta azpikontratutaren nortasuna, eta justifikatu beharko du alde batetik, azpikontratutak kontratua betearazteko gaitasuna duela eta bestetik, antolamendu juridikoaren arabera kontratuak egiteko ezgaitua ez dagoela edo Sektore Publikoko Kontratuei buruzko Legearen Testu Bateginaren 60. artikuluan aipatzen diren kasuetako batean ez dagoela.



Astigarragako Udala

Idazkaritza • Secretaria
idazkaritza@astigarraga.eus

14. KLAUSULA.- KONTRATISTAREN BETEBEHAR OROKORRAK

1.- Enpresa kontratistak ekipo eta giza baliabide egokiekin egikaritu beharko ditu lanak, uneoro zeregin eta espezialitate desberdinetako premiei erantzunez.

2.- Hornitzaileak muntatzaile bat eskaini beharko dio Udalari, hainbat enpresak (IBERDROLA, NATURGAS, ura hornitzen duten konpainiak eta abar) instalazioak gainbegiratu ondoren ondo muntatuak gera daitezen.

3.- Sektore Publikoko Kontratuei buruzko Legearen Testu Bateginaren 214. artikuluan xedatutakoaren arabera, horniketa egikaritzeko behar diren lanen ondorioz eragindako kalte-galeren ordaina enpresaburuak eman beharko du. Halaber, salgaia garraiatzean eta sukaldeak muntatzean etxebizitzetan sortutako akatsez arduratuko da.

4.- Bermealdian hornitzailea arduratuko da gerta daitezkeen akatsez. Administrazioaren iritziz, etxetresna elektrikoren bat edo altzariren bat akastuna bada, kontratistak ordeztu beharko du, baita akatsa jaso ondoren atzeman bada ere. Eta berdin, akatsa instalazioan edo muntaketan gertatu bada.

5.- Sukaldeak eta altzariak instalatu eta muntatu ondoren geratzen diren elementu guztiak hornitzaileek kendu beharko dituzte, eta baimendutako zabortegira eraman.

6.- Kontratistaren betebeharra da Administrazioari jakinaraztea nortasun juridikoari eragin lekiokkeen edozein aldaketa, eta fakturak ordaintzeko legezko epea eten egingo da datuak egiaztatu arte.

7.- Lizitatzailerik ez dute hizkuntzaren erabilera sexistarik egingo proposamenak prestatzerakoan eta lantzerakoan. Era berean, esleipendunak, kontratua indarrean dagoen bitartean, hizkuntzaren erabilera sexistarik egingo inongo euskarri idatzi edo digitalean, eta, gainera, datuak sexuaren arabera bereizi beharko ditu pertsonen buruzko edozein estatistiketan, guztia 2005eko otsailaren 18ko 4/2005 Legeak, emakumeen eta gizonen berdintasunerakoak, 2.3 artikuluan xedatutakoaren arabera, bertan aipatzen baitira gorde beharreko printzipio orokorrak.

15. KLAUSULA.- KONTRATISTAREN LAN BETEBEHARRAK.

Kontratista behartuta dago lan-alorreko, Gizarte Segurantzako eta laneko segurtasuneko eta higieneko indarreko legezko xedapenak betetzera, kontratua



Astigarragako Udala

Idazkaritza • Secretaria
idazkaritza@astigarraga.eus

egikaritzeko enplegatzen dituen langileei dagokienez, eta Udala erantzukizunetik askatuko da horiek betetzen ez badira.

16. KLAUSULA.- BERME ALDIA.

Bermealdia onarpen-akta sinatzen denetik aurrera hasiko da kontatzen, eta baldintza teknikoen agirian ezarritakoa izango da.

Bermealdian egiaztatzen bada hornitutako ondasunek akats edo okerren bat dutela, Administrazioak kontratistari ondasun desegokiak berriz horni ditzan eskatzeko edo nahikoa den kasuetan, konpontzeko eskatzeko eskubidea izango du. Nolanahi ere, kontratistak eskubidea izango du hornitutako ondasunen aplikazioa ezagutzeko eta aplikazioari buruz esateko duena entzun dakion.

17. KLAUSULA.- ZIGORRAK (PENALITATEAK)

Kontratuaren ez betetzeak edo kontratua behar bezala ez betetzeak, Sektore Publikoko Kontratuen Legearen Testu Bateginaren arabera, kontratua betetzea bermatzeko legeak ezarritako penalizazioak aplikatzea ekar dezake, edo baita, aplikazio-antolamenduen arabera kontratua bertan behera uztea.

Halaber, Sektore Publikoko Kontratuei buruzko Legearen Testu Bateginaren 212.4 artikuluan aurreikusitakoaren arabera, zigorrak ezarri ahal izango dira kontratua betetzeko ezarritako guztizko epea ez bada betetzen.

18. KLAUSULA.- KONTRATUA ALDATZEA

Sektore Publikoko Kontratuen Legearen Testu Bateginaren 219. artikuluan ezarritakoaren arabera, Udalak aldatu ahal izango du kontratua, interes publikoko arrazoiak direla medio, premia berrien edo ezusteko kausen ondorioz, eta kontratistak ez du kalte-ordainik jasotzeko eskubiderik izango.

Horniketa-kontratuaren aldaketen ondorioz horniketa osatzen duten ondasun-unitateak gehitu, gutxitu edo kendu egiten badira edo beste batzuek ordeztzen badira, betiere kontratuaren barruan, aldaketa horiek derrigorrezkoak izango dira kontratistarentzat, eta ondasun-unitateak edo ondasun motak kendu edo gutxituz gero, ez du eskubiderik izango kalte-ordainik erreklamatzeko.



Astigarragako Udala

Idazkaritza • Secretaria
idazkaritza@astigarraga.eus

19. KLAUSULA.- KONTRATUA SUNTSITZEA.

Zerbitzuen kontratua suntsiarazteko arrazoiak izango dira Sektore Publikoko Kontratuen Legearen Testu Bateginaren 223. eta 299. artikuluetan ezarritakoak.

20. KLAUSULA.- UDALAREN ESKUMENAK

Udalari dagozkio hainbat eskumen, hala nola kontratua interpretatzea, kontratuaren betearazpenak eskaintzen dituen zalantzak argitzea, interes publikoko arrazoiak direla-eta aldatzea, kontratuaren suntsiarazpena erabakitzea eta suntsiarazpen horren ondorioak zehaztea, betiere mugen barruan eta Sektore Publikoko Kontratuen Legean ezarritako eskakizun eta ondorioei jarraiki.

Hartarako emandako erabakiek administrazio-bidea agortuko dute, eta berehala betearazi beharrekoak izango dira.

21. KLAUSULA.- ARAUBIDE JURIDIKOA

Baldintza Orri honetan esanbidez aurreikusi ez denari dagokionez, honako hauetan xedatutakoa hartuko da kontuan:

- 1- Sektore Publikoko Kontratuen Legearen Testu Bategina onartzen duen 3/2011 Errege Dekretu Legegilea.
- 2- 1098/2001 Errege Dekretua, urriaren 12koa, Herri Administrazioen Kontratuen Legearen Erregelamendua onartzen duena.
- 3- 7/85 Legea, apirilaren 2koa, Toki Araubidearen Oinarriak arautzen dituena, apirilaren 21eko 11/99 Legeak aldatu zuena, eta Toki Araubidearen arloan indarrean dauden legezko xedapenen Testu Bategina, apirilaren 18ko 781/86 Legegintzako Errege Dekretuak onartu zuena.
- 4- Tokiko administrazio-kontratazioa arautzen duten eta haren eremuan aplikatu daitezkeen bestelako xedapenak.

22. KLAUSULA.- ESKUMENEN JURISDIKZIOA



Astigarragako Udala

Idazkaritza • Secretaria
idazkaritza@astigarraga.eus

Kontratuen interpretazioari, aldaketari, suntsiarazpenari eta eraginei buruz sortzen diren auzigaiak kontratazio-organoak ebatziko ditu; organo horren ebazpenek administrazio-bidea agortuko dute eta Administrazioarekiko Auzibidea irekiko dute, Administrazioarekiko auzien jurisdikzioari buruzko Legeari jarraiki.

Astigarragan, 2017ko maiatzaren 11n.

Kontxi Urdanpilleta Santamaria
Ordezko udal-idazkaria



Astigarragako Udala

Idazkaritza • Secretaria
idazkaritza@astigarraga.eus

I. eranskina - Erantzukizunpeko adierazpenaren eredua

Erantzukizunpeko adierazpena, ordezkatzen duen enpresak ezta haren kide bakar batek ere Sektore Publikoko Kontratuen Legearen Testu Bateginaren 60. artikuluan kontratatzeko ezarrita dagoen debeku bakar bat ere ez dutela egiaztatuz.

..... jaunak/andreak,
(helbidea:; PK:
NAN:; telefonoa:; nire gaitasun juridikoaren eta
jarduteko nire gaitasunaren jabe oso izanik, nire izenean,
(edo)
jauna/andrea (helbidea:; PK:
NAN:; telefonoa:) ordezkatuz,
(*pertsona fisikoa edo juridikoa den arabera*)

DEKLARATZEN DUT:

1.- EZ gaituztela kondenatu epai irmoaren bidez zilegi ez den elkartearen, nazioarteko merkataritza-transakzioetan ustelkeriaren, influentzia-trafikoaren, funtzionario-eroskeriaren, iruzurren eta legearen aurkako ordainarazpenaren delituengatik, foru-ogasunaren eta gizarte-segurantzaren aurkako delituengatik, langileen eskubideen aurkako delituengatik, bidegabeko eralgitzeagatik eta errezibitzeagatik eta antzeko jokabideengatik, ingurumena babesteari lotutako delituengatik, edota ez gaituztela kondenatu lanbidean, ogibidean, industrian edo merkataritzan aritzeko desgaiakuntza bereziko zigorrera.

2.- EZ dutela eskatu borondatezko konkurtso-deklarazioa, edozein prozeduratan ez direla kaudimengabetzat hartu eta konkurtso-egoeran ez daudela, konkurtsoan hitzarmen batek efikazia eskuratu duenean salbu, esku-hartze judizialari lotuta ez daudela edo ez dituztela desgaitu 22/2003 Lege Konkurtsalaren arabera, konkurtsoaren kalifikazio-epaian ezarritako desgaiakuntza-epea amaitu gabe egonik.

3.- EZ dutela epai irmoaren bidezko zigorra jaso honako arlo hauetan **arau-hauste** astuna egiteagatik:

- merkatu-diziplinaren arloa,
- arlo profesionala,



Astigarragako Udala

Idazkaritza • Secretaria
idazkaritza@astigarraga.eus

- laneratzearen eta aukera-berdintasunaren eta pertsona desgaituen diskriminaziorik ezaren arloan,
- lan-arloan, laneko arriskuen prebentzioaren arloko arau-hausteak barne, 5/2000 Legegintzako Errege Dekretuak onartutako lan-arloko arau-hausteei eta zehapeni buruzko Legearen Testu Bateginean xedatutakoaren arabera, baita testu beraren 22.2 artikuluan aurreikusitako arau-hauste astuna egiteagatik eta 7.13 artikuluan aurreikusitakoagatik, hau da, **Langileen Estatutuak edota aplikatzekoa den hitzarmen kolektiboak berdintasun-planen alorrean ezartzen dituzten betebeharrak ez betetzeagatik,**
- ingurumen-arloa

4.- EZ dutela faltsutzerik egin 146.1.c) artikulua aipatzen duen erantzukizunpeko adierazpena egiterakoan edota bere ahalmen edo kaudimenari buruzko beste edozein datu ematerakoan, edota 70.4 artikuluan eta 330. artikuluan aurreikusitako informazioa jakinarazteko betebeharraren ez-betetzetik ez duela egin berari egozteko modukoa den arrazoiren batengatik.

5.- EZ dagoela barne hartuta Gobernu kideen eta Estatuko Administrazio Orokorreko goi-kargudunen interes-gatazkak arautzeari buruzko apirilaren 10eko 5/2006 Legearen edota Administrazio Publikoen zerbitzuko langileen bateraezintasunei buruzko 1984ko abenduaren 26ko 53/1984 Legearen kasuetako bakar batean ere, edota Hauteskunde Araubide Orokorri buruzko 5/1985 Lege Organikoan araututako hautapenezko kargu bat dela, lege horretan ezarritako terminoetan.

6.- Gobernu kideen eta Estatuko Administrazio Orokorreko goi-kargudunen interes-gatazkak arautzeari buruzko apirilaren 10eko 5/2006 Legearen 18.6 artikulua aipatzen duen ez-betetzeagatik «Estatuko Aldizkari Ofizialean» agertu den inolako pertsonarik ez dutela kontratatu.

7.- EZ dutela eragin, errudun deklaratu dituzten kausarengatik, Administrazio Publiko batekin sinatutako edozein kontraturen suntsiarazpen irmoa.

8.- EZ dutela edozein Administrazio Publikorekin kontratatzeko debeku bat hautsi.



Astigarragako Udala

Idazkaritza • Secretaria
idazkaritza@astigarraga.eus

9.- EZ dagoela administrazio-zigor baten indarrez ezarritako kontratatzeke debeku baten eraginpean, Diru-laguntzei buruzko 38/2003 Lege Orokorrean edota Zergei buruzko 58/2003 Lege Orokorrean aurreikusitakoaren arabera.

10.- EZ duela modu desegokian erretiratu bere proposamena edo hautagaitza esleipen-prozedura batean, edota ez duela eragotzi kontratua bere alde esleitzea Sektore Publikoko Kontratuei buruzko Legearen Testu Bateginaren 151.2 artikuluan ezarritakoa ez betetzeagatik aipatzen den epearen barruan, dolua, errua edo zabarkeria tarteko.

11.- EZ dituela bete gabe utzi Sektore Publikoko Kontratuei buruzko Legearen Testu Bateginaren 118. artikuluan adierazten denaren arabera ezarritako kontratua egikaritzeko baldintza bereziak, ez-betetze hori baldintza-agirietan edo kontratuan arau-hauste astun gisa definitu bada lege hau garatzeko xedapenen arabera, eta enpresariaren dolua, errua edo zabarkeria baldin badago.

Eta dagozkion ondorioetarako horrela jasota gera dadin, adierazpen hau egiten eta sinatzen dut.

....., 20.... koaren(e)an.

Zigilua eta Sinadura



Astigarragako Udala

Idazkaritza • Secretaria
idazkaritza@astigarraga.eus

II. eranskina: Proposamen-ekonomikoaren erdua (C gutun-azala)

Nik,
 jaunak
 (helbidea:
PK:.....,
 NAN:, telefono-zenbakia:, eta
 posta elektronikoko helbidea:) prozedura osoa Udalar
 jakinarazteko, nire gaitasun juridikoaren eta jarduteko nire gaitasunaren jabe
 oso izanik, nire izenean (edo jauna/andrearen PK:
, telefono-zenbakia:, eta NAN edo IFK:
 -bata ala bestea, pertsona fisikoa ala juridikoa izan- ordezkar
 gisa), **ASTIGARRAGAKO UDALEKO JABETZAKOAK DIREN
 ETXEBIZITZEN SUKALDETARAKO EKIPAMENDUA**, kontratatzeko
 Astigarragako Udalak deitu duen lehiaketaren berri izanik, honako hau

ADIERAZTEN DUT:

1.) Zerbitzu hori honako prezio honen truke betearazteko konpromisoa hartzen dut:

Kontratuaren lizitazio-prezioa (BEZik gabe)	EGITEN DUEN ESKAINTZA: PREZIOA BEZik GABE	Baja absolututan	zifra	Baja (%)
20.000				

2.- Eskaintza ekonomikoa, BEZik gabeEURO da.

3.- Eskaintza hori lizitazio-prezioari dagokionez, BEZik gabe,euroko baja da, hots, %

4.- Kontratua esleitzen badidate, eskatutako polizan eta kontratuan eskatzen diren berme osagarrien ekarpena egiteko konpromisoa hartzen dut.

5.- Kontratua egikaritzeko beharrezkoak diren baliabide pertsonal eta materialak ekarri edo atxikitzeko konpromisoa hartzen dut; horretarako, betebeharrak hori onartzen dut eta betebeharrak hori funtsezkoa da; era berean, konpromisoa hartzen dut zerbitzu osoa egindako eskaintzaren arabera egikaritzeko.



Astigarragako Udala

Idazkaritza • Secretaria
idazkaritza@astigarraga.eus

6.- Konpromisoa hartzen dut eskaintza ekonomikoak egiten diren egunean Kontratazio Mahaiari emateko, eskaintza ekonomikoari dagokion posta elektronikoko mezua ireki baino 5 minutu lehenago, mezu hori irekitzeko behar diren segurtasuneko gakoak edo digituak.

Sinadura